

Covid-19

Sami sebe testirajte

Pročitajte sva uputstva prije nego šta počnete

Prekontrolirajte da li imate sve šta vam je potrebno prije nego šta počnete


- Veću vrećicu sa patentnim zip-zatvaračem i QR kodom u kojoj se nalazi:
 - Epruveta sa navojnim poklopcem, etiketom i štapićem za uzimanje brisa
- Tanjur ili šalicu
- Plastičnu vrećicu u koju ćete pohraniti smeće i komad kuhinjskog papira

Pripreme prije uzimanja uzorka

1. Otvorite veću vrećicu i izvadite njezin sadržaj. Možete ga staviti na stol ispred vas.
2. Uzmite epruvetu i stavite je na kuhinjski papir.

Registrirajte vaš test

1. Otvorite na vašem mobitelu ili računaru web stranicu **direkttest.se** i odaberite "Registrera prov" („Registrirajte test“).
Skenirajte QR kod na vrećici sa kamerom na vašem mobitelu, tako da usmjerite kameru prema QR kodu.
2. Upišite vaše podatke i slijedite sve korake.
3. Registracija je gotova nakon šta ste se legitimirali sa BankID.
 - **Ako nemate BankID** možete umjesto toga odabrati da se registrirate sa vašim ličnim kodom, tada skrolajte na listi za identifikacijski metod i odaberite "Personlig Kod" (Lični kod).
Pažnja! Nemojte zaboraviti pribilježiti kod koji se pokazuje kada je registracija gotova.
4. Na e-mail adresu, koju ste naveli će stići poruka sa referentnim brojem.





1. Uzimanje brisa sa zida ždrijela 2. Uzimanje brisa iz nosa 3. Pljunite i umočite 4. Zavrnite

Sami napravite test

1. Odvrnite navojni poklopac na epruveti, štapić za uzimanje uzorka je pričvršćen za navojni poklopac.
2. Unesite mekani dio štapića kroz usta što je dublje moguće u grlo, toliko duboko da gotovo osjećate kako vam se povraća.
3. Trljajte kružnim pokretima štapić uz zid ždrijela (najdublje u grlu) šta duže možete. Osjećati ćete neugodnost, ali je dovoljno da to radite 5 sekundi. Pogledajte crtež.
4. Nakon toga oprezno, šta dublje možete, stavite isti kraj štapića ravno u nosnicu. Nemojte nagnjati štapić prema gore. Trljajte štapić kružnim pokretima 10 -20 sekundi. Pogledajte crtež.
5. Sakupite mnogo pljuvačke u ustima i pljunite na tanjur ili u šalicu, izbjegavajući da pljunete šljajm ili slinu iz nosa.
6. Umočite mekani dio štapića u pljuvačku tako da postane sasvim vlažan.

Prebacite test u epruvetu i zatvorite epruvetu na siguran način

1. Unesite oprezno štapić natrag u epruvetu.
2. Čvrsto zavrnite poklopac epruvete.
3. Stavite epruvetu natrag u vrećicu sa QR kodom.
4. Dobro zatvorite vrećicu.
5. Čuvajte vrećicu sa epruvetom u hladnjaku sve dok je ne budete mogli predati ili dok neko ne dođe po nju.

Rukujte sa smećem na siguran načina

1. Stavite kuhinjski papir u običnu plastičnu vrećicu.
2. Dobro zavežite plastičnu vrećicu i bacite je kao i obični kućni otpad.
3. Tanjur i šalicu možete oprati na uobičajen način

Kada rezultat testiranja bude gotov dobiti ćete poruku na vaš mobitel

Dobiti ćete sms poruku kada rezultat testiranja bude gotov. Odgovor **obično** stiže u roku od **48 sati** od kada ste predali epruvetu, ali možete doći i kasnije ako ste ga predali prije neradnih dana. Ulogirajte se sa vašim BankID-om ili ličnim kodom na web stranicu direkttest.se kako bi pročitali rezultat testa.

Pogledajte posebnu stranicu sa uobičajenim pitanjima i odgovorima.

Uobičajena pitanja i odgovori

P: Nisam siguran da li sam ispravno registrirao test

O: Test je registriran kada ste došli na stranicu "Ditt prov är registrerat" („Vaš test je registriran“). Ako iz nekog razloga niste sigurni da li ste sve ispravno napravili možete se ulogirati ako kliknete na oznaku "Provsvär" („Rezultat testa“) na web stranici direkttest.se. "Testresultat är ej tillgängligt" („Rezultat testa nije dostupan“) znači da je test registriran, ali analiza nije gotova. "Det finns inget prov registrerat" („Ni jedan test nije registriran“) znači da niste ispravno registrirali test i zato u sistemu ne postoji nikakva veza između vas i vaše epruvete sa testom.

P: Ja nemam BankID.

O: Ako nemate BankID možete se registrirati sa vašim ličnim kodom. Kod registracije odaberite "Personlig kod" („Lični kod“) kao metodu identifikacije. Lični kod se kasnije koristi kada očitavate rezultate testa.

P: Koliko dugo treba čekati na odgovor?

O: Obično odgovor sa rezultatom vašega testa dobivate u roku od 48 sati, nakon što ste predali epruvetu, osim ako se ne radi o testovima koji su kasno predani pa nisu bili prevezeni isti dan. Tada se na odgovor može čekati do 72 sata.

P: Kada mogu ponovno početi raditi ako je test negativan?

O: Kada ste toliko zdravi da možete raditi. Obratite se vašem poslodavcu kada dobijete odgovor.

P: Kome da se obratim ako je test pozitivan?

O: Tada kontaktirajte onaj dom zdravlja u kojem ste uzeli vaš test.

P: Šta da napravim ako mi se bolest pogorša?

O: Ako osjećate da vam je zbog bolesti potrebna zdravstvena pomoć postupite kao i inače. Kontaktirajte 1177 ili vašeg liječnika opće prakse, na primjer u domu zdravlja u kojem ste prijavljeni.

P: Šta je biobanka i zašto je potrebna?

O: Čuvanje uzoraka u biobanci znači da se test koji vi pošaljete može zalediti i sačuvati kako bi se ponovno upotrijebio. Švedski naučnici mogu poslije od državne uprave za etička pitanja zatražiti dozvolu kako bi koristili testove za naučno istraživanje. Švedski naučnici ne mogu bez materijala, koji su donirale testirane osobe, provesti dalje važno istraživanje covida-19. Mi vas zbog toga molimo da kliknete na kvadratić kojim dozvoljavate čuvanje uzoraka u biobanci kada registrirate vaš test sa QR-kodom ili na web stranici direkttest.se. To je dobrovoljno.